

## "Расулуллоҳ соллаллоҳу алайҳи васаллам" номли китоби қайта нашр этилди



05:00 / 02.02.2015 3295

### "Расулуллоҳ соллаллоҳу алайҳи васаллам" номли китоби қайта нашр этилди

Шайх Муҳаммад Содиқ Муҳаммад Юсуф ҳазратларининг қаламларига мансуб «Расулуллоҳ соллаллоҳу алайҳи васаллам» деб номланган китоблари қайта нашр этилди.

**Муаллиф:** Шайх Муҳаммад Содиқ Муҳаммад Юсуф таржимаси

**Номи:** «Расулуллоҳ соллаллоҳу алайҳи васаллам»

**Нашриёт:** «HILOL NASHR» нашриёт-матбааси

**Сана:** 2016 йил

**Ҳажми:** 448 бет

**ISBN:** 978-9943-4159-8-0

Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 5577-сонли тавсияси ила чоп этилган

Азиз ўқувчи, ушбу китоб «Бу – Расулulloҳ соллalloҳу алайҳи васаллам», яъни, унинг шарҳида айтилганидек, «Муҳаммад соллalloҳу алайҳи васалламнинг шахсиятлари, рисолатлари у зотнинг энг муҳим васийқали сўзлари ва ишлари орқали» номли китобдир.

Бу китобнинг ўзига хос алоҳида жиҳатлари бор.

Биринчидан, бу китоб янги ва имтиёзли маҳсулдир. У, набавий суннатдан танланган матнлар мажмуасидан иборат бўлиб, барчага – мусулмонларга ҳам, номусулмонларга ҳам бирдай мўлжалланган. Ўқувчи ушбу матнлар орқали Ислому ва унинг Расули соллalloҳу алайҳи васаллам билан танишади. Яъни, набавий матн орқали бевосита танишиш имкониятига эга бўлиб, бировнинг шарҳи ёки баёнига муҳтож бўлмайди.

Бу китоб ўзи мустақил ҳолида манбаъ бўлиши ирода қилинган. Жуда ҳам равшан ва осон. Мутахассис бўлмаган мусулмон ёки мусулмонмас ўқувчи ҳам бошқа биров уни равшанлаштириб ва баён қилиб беришига муҳтож бўлмайди.

Иккинчидан, матнларни танлаш шартлари ҳам ўзига хос:

1. Матнларнинг саҳиҳ бўлиши эътиборга олинган. Улар фақат қабул қилинган саҳиҳ, ўзи яхши ва гувоҳлари билан яхши ҳисобланган матнлардир.

2. Барчаси муҳкам матнлар бўлиб, уларнинг ичида насх қилинган (амалдан қолдирилган) матнлар йўқ.

3. Шарҳга, ишқолини кетказишга ва у билан бошқа матнни жамлашга муҳтож бўладиган матн ҳам йўқ. Бошқа ибора билан айтганда, ушбу набавий ҳадисларнинг мушқули йўқ. Яъни, бу ердаги ҳар бир ҳадис ортиқча изоҳларсиз ҳам тушунилиши осон.

4. Уламолар орасида хилофга сабаб бўладиган масалаларга далил қилинадиган матнлар ушбу китобга киритилмаган.

5. Асосан, кўпчилик идрок қила оладиган ва уларнинг эҳтимолларини равшан баён қиладиган матнлар танланган.

Китобнинг мазмунига иттифоқ ҳосил бўлиши учун бундаги барча ҳадислар бир қанча илмий манбаъларга ҳам солиштириб чиқилган.

Учинчидан, китобнинг мақсади холис таништирувдан иборат. Бунда:

1. Набавий суннат орқали Ислому аҳкомлари ва ҳидоятини таърифлаш

кўзда тутилган.

2. Набавий ҳадисларда тарқоқ ҳолда бўлган матнларни жамлаб, Расулуллоҳ соллаллоҳу алайҳи васалламни у зотнинг ўз сўзлари, ҳаётларидаги ҳодисалар ва саҳобалар розияллоҳу анҳум билан мулоқотлари орқали таърифлаш мақсад қилиб қўйилган.

3. Набий соллаллоҳу алайҳи васалламнинг ҳадисларидан иборат, маъноси равшан, ўқилиши равон, ҳар бир онгли киши фаҳмлай оладиган осон китобни юзага келтиришга ҳаракат қилинган. Уни ҳар бир кишига тақдим қилиш ва кенг тарзда нашр қилиш имкони бўлади. Қуръони Карим ва ушбу китобнинг нусхалари барча учун Исломни ва унинг Расули соллаллоҳу алайҳи васалламни таниш борасида асосий манбаъ бўлади.

Тўртинчидан, китобни тузишда қуйидаги ишлар қилинди:

1. Набавий ҳадисларни имом Моликнинг «Муваттоъ»сидан, икки «Саҳиҳ»дан, «Сунани Абу Довуд», «Жомеъут-Термизий», «Сунани Насайй» ва бошқалардан олинди.

2. Ҳадисларни танлаш аввал айтиб ўтилган шартлар асосида амалга оширилди.

3. Ҳадисларни мавзулар асосида тартибга солинди.

4. Ҳадислар олинган манбаълар кўрсатилди. Англаниши қийин бўлган сўзларнинг баёни келтирилди.

5. Аллоҳ таолонинг изни ила китоб оламий тилларга таржима қилинади ва дунёдаги барча кутубхона ва илмий марказларга Набий соллаллоҳу алайҳи васалламнинг ҳидоятлари, суннатлари, сийратлари ва шариатлари билан танишишнинг бевосита васийласи бўлиши учун юборилади.

Ушбу китобнинг ғояси, уни чиқариш, ишга раҳбарлик қилиш ва қайта кўриб чиқиш «Ислам алявм» муассаси бош кузатувчиси, Аллоҳ у кишини асрасин, шайх Салмон Фаҳд Авдага оиддир.

Ушбу режага биноан, ҳадисларни доктор Умар ибн Абдуллоҳ Муқбил, доктор Сомий ибн Абдулазиз Можд, доктор Абдулвахҳоб ибн Носир Торийрий танлашди.

Китобдаги ҳадислар олинган манбаъларни аниқлаш, уларга таълиқ қилиш, мувофиқлаштиришни шайх Маҳмуд Шаъбон Абдулмақсуд раҳбарлигидаги илмий гуруҳ амалга оширди.

Устоз Холид ибн Фаҳд Бихлол китобни қайта кўриб чиқди ва мусаҳҳиҳлик қилди.

Ушбу китобнинг ишчи гуруҳи китобнинг олий мақсадига хизмат қиладиган ўзгартиш, қўшимча қилиш ва қисқартиш бўйича барча таклиф ва

мулоҳазаларни мамнуният билан қабул қилади.

Бу китоб ўқиш учун ҳам, қабул қилиш учун ҳам осондир. Албатта, ҳадисларни бу тарзда жамлаб китоб ҳолида нашр этиш янгилик эмас. Дийнимиз тарихида ҳадисларни жамлаш асосида тузилган китоблар жуда кўп.

Биз ҳам Расулуллоҳ соллаллоҳу алайҳи васалламнинг шахсиятлари ва рисолатларини оламларга яқинлаштириш учун ижтиҳод қилиб, ҳадисларни жамлаб китоб ҳолига келтирдик. Буни Аллоҳ азза ва жалладан савоб, тавфиқ, ёрдам ва ишимизни тўғрилаши умидида қилдик.

Аллоҳим, Набийимиз Муҳаммад соллаллоҳу алайҳи васалламга ва ул муборак зотнинг аҳли байтларига, саҳобаи киромларига саловоту дурудлар юборгин. Валҳамдулиллаҳи Роббил оламийн!

**Китобда қуйидаги масалаларга оид маълумотлар ўрин олган:**

## **МУНДАРИЖА**

Кириш сўзи

Муқаддима

Муҳаммад Мустафо соллаллоҳу алайҳи  
васалламнинг шамоиллари

Ул зот соллаллоҳу алайҳи васалламнинг  
одамлар, ҳайвонлар ва бошқаларга раҳматлари

Ул зот соллаллоҳу алайҳи васалламнинг  
болаларга муомалалари

Ул зот соллаллоҳу алайҳи васалламнинг  
аёлларга муомалалари

Ул зот соллаллоҳу алайҳи васалламнинг  
саҳобаларига муомалалари

Ул зот соллаллоҳу алайҳи васалламнинг  
душманларига ва мухолифларига муомалалари

Нубувват аломатлари китоби

Иймон китоби

Илм китоби

Тоҳарат китоби

Намоз китоби

Жанозалар китоби

Закот китоби

Рўза китоби  
Ҳаж китоби  
Савдолар китоби  
Қасамлар ва назрлар китоби  
Никоҳ китоби  
Таомлар ва шароблар китоби  
Тиб китоби  
Либос ва зийнат китоби  
Хилофат китоби  
Ҳаддлар китоби  
Тафсир ва Қуръон фазийлатлари китоби  
Таъбир китоби  
Қадар китоби  
Фитналар китоби  
Адаб китоби  
Яхшилик ва силаи раҳм китоби  
Фазийлатлар китоби  
Анбиё алайҳимуссаломдан бир жамоасининг зикри  
Иброҳим алайҳиссалом  
Юсуф алайҳиссалом  
Мусо алайҳиссалом  
Сулаймон алайҳиссалом  
Ийсо алайҳиссалом  
Расулуллоҳ соллаллоҳу алайҳи васалламнинг саҳобалари фазийлатлари  
Дуолар ва зикрлар китоби  
Тавба ва истиффор китоби  
Зухд китоби  
Қайта тирилиш китоби  
Қуръон ва суннатни маҳкам тутиш китоби